



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1204. Usque Ad Annum 1230

Fleury, Claude

August. Vind. [u.a.], 1763

VD18 90118030

§. 58. Friderici & Regis Hierosolymæ fœdus.

[urn:nbn:de:hbz:466:1-66406](https://nbn-resolving.org/urn:nbn:de:hbz:466:1-66406)

ras Interdicto Ecclesiastico ferirent. Hæc Sæcul. XIII.
 omnia ex Epistola Pontificis, ad Episco- A.C. 1223.
 pos Scotiæ die decima tertia Februarii
 anno millesimo ducentesimo vigesimo 7. ep. 75.
 tertio Romæ data, cognoscimus. Rain. 1223.
 n. 50.

§. LVIII.

*Friderici & Regis Hierosolymæ
 fœdus.*

Colloquium, quod Honorius Papa in
 causa Belli sacri ad Festum S. Mar- Ric. de
 tini hoc anno millesimo ducentesimo S. Ger.
 vigesimo secundo Veronæ celebrandum
 indixerat, non prius quam anno sequen-
 te Ferentini in Campania habitum est.
 Adfuerunt Fridericus Imperator, ex Si-
 cilia regno suo advectus, Joannes Rex
 Hierosolymæ, qui cum Patriarcha mare
 trajecerat, Episcopus *Betlechem*, Magi-
 ster Hospitalariorum, Præfectus Templi,
 Magister Equitum Teutonicorum, mul-
 tique alii ex diversis Regionibus viri.
 Papa quoque, etsi crure altero male af-
 fecto, Roma advenit. Postquam igitur
 de negotio sacræ profectionis diu mul-
 tumque deliberatum, promisit Impera-
 tor, se a Festo proximo S. Joannis intra
 biennium, nempe intra annum millesi-
 mum ducentessimum vigesimum quin-
 tum, in Terram sanctam iter esse
 suscepturum, promissumque jurejuran-

R r 3 do

Sæcul. XIII.
A. C. 1223.

Alb. Stad.
an. 1222.

7. ep. 176. ap.
Rain. 1223.
n. 1.

do confirmavit, atque ut istud pactum multo magis ratum esset, ad illud quoque publice & edito jurejurando se obstrinxit, quod Jolandam, Regis Hierosolymæ filiam, tori consortem accepturus esset, quandoquidem Constantia Imperatrix Friderici uxor anno superiore e vita decesserat. Papa, data ad Philippum Regem Franciæ Epistola, quæ in hoc Colloquio acta essent, retulit, exhortans ad succurrendum Terræ sanctæ sua conferret, subditosque suos mitteret, quibus filiorum suorum alterum expeditionis Ducem daret. Duos enim habebat, Ludovicum, qui parenti successit, & Philippum, dictum Comitem Claromontanum. Similes literas Papa ad Regem Hungariæ, Regem Angliæ aliosque dedit.

§. LIX.

*Patriarchæ Alexandrini ad Papam
Epistola.*

Chron.
Orient. p.
118.
Vanslep.
p. 325.

Sub idem tempus Epistola Nicolai Patriarchæ Alexandrini Honorio Pontifici redditur, quam aliquis de familia Regis Hierosolymæ attulerat. Nicolaus Patriarcha Melchita sine dubio fuerit, nam Sedes Coptorum seu Jacobitarum vacabat post obitum Joannis, *Abibala* filii, ex illis Patriarchis numero septuagesimi quarti, in Festo Epiphaniæ, die sexta